

**ZAPISNIK SA
XII SJEDNICE UPRAVNOG ODBORA
UDRUŽENJA POSLODAVACA U FBiH**

**koja je održana ON LINE putem zooma dana 22.10.2024. godine (utorak), sa početkom
u 9:00 sati**

Na sjednici su prisustvovali članovi Upravnog odbora: Edin Ibrahimpašić, Edin Jabandžić, Nihad Imširović, Kemal Čolak, Enver Malagić, Ladislav Bevanda, Šejla Bojadžija, Nijaz Skenderagić, Nedžad Siočić, Damir Vidačak i Tomislav Majić.

Na sjednici su po ovlaštenju članova UO prisustvovali: Sabina Bejdić i Tomislav Hrkać (po ovlaštenju Penava Jadranke).

Na sjednici nisu prisustvovali: Adnan Smailbegović, Snježane Koepruner, Adema Hanića, Rasima Memagića Mujo Hasić, Behrija Huseinbegović, Džemal Hasković, Tomislav Vrdoljak, Samir Mustafić koji su opravdali svoj izostanak.

Ispred UP FBiH sastanku su prisustvovali Mario Nenadić, direktor, Mersiha Jusić, sekretar i Vedrana Živković, PR.

Sjednicu je otvorio Edin Ibrahimpašić, potpredsjednik Upravnog odbora Udruženja poslodavaca i predložio sljedeći:

DNEVNI RED

1. Usvajanje zapisnika sa XI sjednice UO UPFBiH;
2. Razmatranje Inicijative Sindikata Metalaca FBiH za pokretanje pregovora o izmjenama i dopunama Granskog kolektivnog ugovora i zauzimanje stavova o daljim aktivnostima;
3. Razmatranje Inicijative za izmjenu i dopunu Pravilnika o primjeni Zakona o porezu na dobit;
4. Razmatranje Inicijative za dostavljanje Odluke Ustavnog suda nadležnim institucijama;
5. Razmatranje Inicijative Hering d.o.o. za izmjenu Zakona o bankama FBiH (Službene novine FBiH broj 27/17) kojom se predlaže da se uvedu zadužnice kao instrument osiguranja novčanih potraživanja;
6. Priprema završne godišnje konferencije;
7. Tekuća pitanja;

Predloženi Dnevni red je jednoglasno usvojen.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa XI sjednice UO

Obzirom da nije bilo primjedbi na zapisnik Predsjednik UO je dao Zapisnik na glasanje.

A.D. 1.1. Zapisnik sa XI sjednice Upravnog odbora je jednoglasno usvojen.

Tačka 2. Razmatranje Inicijative Sindikata Metalaca FBiH za pokretanje pregovora o izmjenama i dopunama Granskog kolektivnog ugovora i zauzimanje stavova o daljim aktivnostima;

Vezano za ovu tačku dnevnog reda direktor Mario je upoznao prisutne sa ovom tačkom dnevnog reda ističući da su sindikati dostavili Inicijativu u septembru nakon što je održan sastanak sa predstavnicima Vlasti. Prijedlaže se Uo da usvoji Odluku o pokretanju pregovora te da se da ovlaštenje direktoru i predsjedniku da u konsultacijama sa članovima UPFBiH iz metalne industrije imenuju pregovarački tim. Također prijedlog je da se ishod pregovora i izmjena i dopuna KU veže za donošenje fiskalnih zakona što je dogovoreno tokom sastanka Vlade.

U raspravi su učestvovali svi prisutni nakon čega je donesen sljedeći zaključak:

A.d. 2.1. Upravni odbor je jednoglasno usvojio inicijativu za izmjene i dopune Kolektivnog ugovora za djelnost metalne industrije uz zaključak da otvaranje ovih procesa se veže za fiskalne reforme. Daje se ovlaštenje predsjedniku i direktoru UPFBiH da u roku od 7 dnana imanuju pregovarački tim u cilju pokretanja aktivnosti za otvaranje pregovora.

Točka 3: Razmatranje Inicijative za izmjenu i dopunu Pravilnika o primjeni Zakona o porezu na dobit;

Direktor Mario Nenadić je obavijestio prisutne o inicijativi za izmjenu i dopunu Pravilnika o primjeni Zakona o porezu na dobit, odnosno problema dvostrukog oporezivanja digitalnog oglašavanja putem globalnih platformi poput Google-a i Facebook-a. Naime, u posljednje vrijeme u slučaju digitalnog oglašavanja putem gore pomenutih platformi, Porezna uprava FBiH oporezuje privrednike u FBiH porezom po odbitku, iako je taj porez plaćen u državi nerezidenta, odnosno u Irskoj, čime se ne primjenjuje Međunarodni ugovor o izbjegavanju dvostrukog oporezivanja.

Stručna služba UPFBiH je na osnovu Inicijative članica iz ove oblasti uputila dopis i inicijativu za izmjenu Pravilnika Ministarstvu finansija FBiH, te zatražila hitno djelovanje po ovom pitanju.

Direktor je zatražio od UO suglasnost za pokretanje daljnih aktivnosti vezano za ovu Inicijativu.

Nakon diskusije u kojoj su učestvovali svi prisutni i koji su u potpunosti podržali inicijativu donesen je sljedeći zaključak.

A.D. 3.1. Upravni odbor je jednoglasno dao suglasnost za pokretanje Inicijative za izmjenjive i dopune Pravilnika o primjeni Zakona o porezu na dobit, te zadužio stručnu službu da poduzme sve daljne aktivnosti vezano za realizaciju inicijative.

Točka 4. Razmatranje Inicijative za dostavljanje Odluke Ustavnog suda nadležnim institucijama;

Direktor Mario nenadić je upoznao prisutne sa Odlukom Ustavnog suda kojom se utvrđuje da određene odredbe Zakona o komunalnim taksama nisu u skladu sa Ustavom BiH, a koje se odnose na komunalnu taksu za istaknutu firmu.

U Odluci je naglašeno da "isticanje firme nije u vezi s bilo kakvom protuuslugom koju pruža država/javna vlast pa da bi se moglo smatrati taksom, niti se može dovesti u vezu s ostvarenim prihodom pa da bi se moglo smatrati porezom. Poslovni subjekt za isticanje firme ne dobiva nikakvu uslugu od bilo kojeg državnog organa, već samo ispunjava zakonom propisanu obavezu, dakle obavezu koju ne može izbjeći".

S obzirom da su odluke Ustavnog suda konačne i obavezujuće, direktor Nenadić je predložio da se pokrene inicijativa za hitne izmjene kantonalnih i općinskih propisa u Federaciji BiH, kojima će se staviti van snage odredbe o utvrđivanju i naplati komunalne takse za istaknutu firmu, a sve u skladu sa Odlukom Ustavnog suda BiH. Obavijestio je prisutne da je stručna služba već pripremila jedan dopis koji bi išao prema Premijeru FBiH, svim Premijerima kantona, te PU FBiH sa zahtjevom da se obazbijedi primjena Presude Ustavnog suda i pokrenu aktivnosti na izmjenama i dopunama.

Također predložio je da se kroz medije obavijestiti i javnost o nesprovođenju odluka Ustavnog suda.

Potpredsjednik Ibrahimpašić istakao je da je ova inicijativa od interesa za sve poslodavce i pohvalio navedene aktivnosti, te zamolio UO da donese Odluku.

Nakon veoma otvorene rasprave donesen je sljedeći zaključak.

A.d. 4.1. Upravni odbor je jednoglasno podržao inicijativu da se uputi dopis prema Premijeru FBiH, svim Premijerima kantona, te PU FBiH sa zahtjevom da se obazbijedi primjena Presude Ustavnog suda i pokrenu aktivnosti na izmjenama i dopunama kantonalnih dopisa. Također zaključeno je da će ove aktivnosti biti propraćene medijski.

Točka 5. Razmatranje Inicijative Hering d.o.o. za izmjenu Zakona o bankama FBiH (Službene novine FBiH broj 27/17) kojom se predlaže da se uvedu zadužnice kao instrument osiguranja novčanih potraživanja;

Vežano za ovu tačku dnevnog reda gosp. Ladislav Bevanda, kao pokretač inicijative upoznao je prisutne o inicijativi kompanije Hering za izmjenu Zakona o bankama FBiH u cilju povećanja stope izloženosti bez kolaterala ili njenog potpunog ukidanja te inicijativu kojom bi se uvela zadužnica kao instrument osiguranja novčanih tražbina po uzoru na Republiku Hrvatsku, kako bi se olakšalo poslovanje domaćih poslovnih subjekata.

Obzirom da je navedena Inicijativa u interesu svih članova UPFBiH UO je doniso sljedeći zaključak.

A.d. 5. 1. Upravni odbor je jednoglasno usvojio prijedlog za pokretanje Inicijative o izmjenu Zakona o bankama FBiH. Zadužuje se stručna služba da sačini prijedlog i poduzme sve aktivnosti u cilju pokretanja Inicijative.

Tačka 6. Informacija vežano za stradanje privrednih subjekata u poplavnjem područjimai aktivnostima nadležnih po tom pitanju;

Vežano za ovu tačku dnevnog reda, direktor UPFBiH Mario Nenadić obavijestio je članove o obilasku kompanija sa područja koja su stradala u nedavnim poplavama i susreta s privrednicima s ciljem sagledavanja stanja i davanja određenih prijedloga i inicijativa Udruženja prema nadležnim institucijama vlasti. Naglašeno je da privrednici puno ulažu na spašavanju gotovih proizvoda koji su bili lagerovani za isporuku na dan nepogode kao i spašavanje dijela sirovina za proizvodnju te da uglavnom samostalno osiguravaju putnu i drugu infrastrukturu do svojih objekata ili poslovnih pogona kao i da uglavnom samostalno sa svojim radnicima rade na raščišćavanju svojih pogona, mašina i opreme za rad. Među najvećim problemima privrednika su i individualne štete po život, zdravlje i imovinu njihovih radnika jer je dio radnika ostao bez kuća i uvjeta za život, pa time i za rad. Također je istaknuto da u pojedinim općinama lokalne vlasti rade određene popise šteta, međutim da ovo nije jednoobrazno i sistemsko rješenje te da je trenutno najveći izazov ponovno pokrenuti proizvodnju s ključnim ciljem provjere stanja nužne zamjene pojedinih dijelova pogona i drugo. Za ovu aktivnost potrebno je prije svega vrijeme neophodno za sušenje motora, hardverskih i softverskih elemenata, CNC mašina, kancelarija i drugo.

Direktor je također upoznao prisutne sa prijedlogom mjera UPFBiH za rješavanje i sanaciju posljedica poplava po privredne subjekte. Prijedlažu se sljedeće mjere:

- Održavanje zajedničkog sastanka premijera i članova Vlade FBiH sa predstavnicima poslodavaca sa pogođenih područja s ciljem pripreme odgovarajućeg akcionog plana, mjera i aktivnosti na pogođenim područjima
- Tematska sjednica Vlade i Parlamenta FBiH s ciljem potvrđivanja akcionog plana i konkretizacije mjera i aktivnosti
- Blagovremena i potpuna informiranost poslodavaca o aktivnostima nadležnih po predmetnim pitanjima kao i javnost evidencija o zatečenim štetama
- Dogovor oko sistemskog evidentiranja stanja šteta na privrednim objektima kroz rad vladinih komisija u čijem radu bi sudjelovali i predstavnici poslodavaca
- Blagovremeno uključivanje banaka i osiguravajućih društava na ubrzanom rješavanju posljedica i šteta prouzrokovanih poplavama
- Privođenje i osiguranje infrastrukturnih objekata do privrednih pogona i objekata (put, struja, voda...)
- Poslovne olakšice stradalim privrednicima kroz rješavanje pitanja prije svega plaća radnicima u stradalim kompanijama, utvrđivanje olakšica plaćanja doprinosa i poreza kroz odgovarajuću suspenziju posebno za privredna društva koja su potpuno obustavila rad
- Suspenzija - olakšice za plaćanje troškova vode i struje korištene isključivo za čišćenje fabrika i pogona a ne za potrebe redovne proizvodnje
- Suspenzija akontativnih plaćanja poreza na dobit stradalim kompanijama
- Podrška inspeksijskih i poreskih službi stradalim privrednicima u pogođenim općinama
- Insistiranje na tematskim sjednicama udruženja banaka i osiguravajućih društava s ciljem iznalaska najbržih i najpogodnijih rješenja za stradale privrednika
- (Pre)usmjeravanje i stavljanje u funkciju namjenskih fondova i sredstava (Fond za zaštitu okoliša, zavodi i službe za zapošljavanje i dr.)
- Angažman Oružanih snaga, Federalne uprave civilne zaštite i drugih raspoloživih kapaciteta za pomoć privrednicima u raščišćavanju i čišćenju i osposobljavanju kompanija za rad
- Iznalazak odgovarajućih rješenja za pomoć i podršku kompanija koje su u potpunosti obustavile rad
- Podrška poslodavcima - posebne mjere podrške radnicima s ciljem sprječavanja otkaza i odjava radnika posebno u situacijama produžene obustave i ponovnog početka rada kompanije

Prijedlog mjera bi trebalo uputiti Vladi FBiH.

Nakon diskusije donesen je sljedeći zaključak.

A.d. 6.1. Upravni odbor je usvojio inicijativu i Prijedlog mjera za rješavanje sanacija posljedica poplava po privredne subjekte u tekstu koji je predložen. Zadužuje se stručna služba da pripremi inicijativu i uputi Vladi FBiH i to:

Tačka 7. Priprema završne godišnje konferencije;

Direktor UPFBiH je u okviru ove tačke dnevnog reda obavijestio članove o planiranim aktivnostima za održavanje dvije konferencije, o trgovini i poslovna konferencija o pregledu aktivnosti i prioritetima za naredni period, a koje će se održati u saradnji sa nadležnim institucijama.

Prva Konferencija je planirana u novembru „ Stanje i perspektive za djelatnost trgovine“ koja bi bila u saradnji sa Ministarstvom trgovine FBiH, a druga bi bila generalno predstavljanje rezultata UPFBiH.

Nakon rasprave donesen je sljedeći zaključak.

A.d. 7.1. Upravni odbor je jednoglasno podržao organizovanje navedenih Konferencija.

Točka 8. Tekuća pitanja;

Pod tekućim pitanjima razmatrana je inicijativa o izmjeni propisa koji tretiraju "Gastro odjel"odnosno Pravilnika o razvrstavanju i minimalnim uslovima ugostiteljskih objekata iz skupine restorani, barovi, catering objekti i objekti jednostavnih usluga.

Vezano za ovu tačku dnevnog reda gosp. Armin Đuderija predstavnik Penyplus je upoznao prisutne sa navedenom inicijativom. Naime, većina trgovina u sklopu svojih prostorija imaju "Gastro odjel" koji u postupku registracije nije tretiran postojećim propisima te su trgovci primorani u sferu ugostiteljstva gdje trebaju dokazivati minimalne tehničke uslove za početak rada kao i da se opredijele za jednu od ponuđenih opcija gdje se dodatno razvrstavaju ugostiteljski objekti u skupine. Trgovci ne spadaju ni u jednu kategoriju jer u većini slučajeva nema posebnog prostora opremljenog ugostiteljskim namještajem, odgovarajuću izolaciju od buke, zasebni toalet itd.

Tokom rasprave u okviru ove tačke član UO Nihad Imširović izrazio je nezadovoljstvo iznenadnim izmjenama Zakona o unutrašnjoj trgovini amandmanskim djelovanjem Vlade, koji

će se danas naći na Dnevnom redu ZD PFBiH a koje se odnose na rad nedjeljom, te istakao da Radna grupa koja je radila na pripremama Zakonane ne podržava ovaj amandman i izričito je protiv ovakvog usvajanja Zakona.

Nakon rasprave Uo je donio sljedeći zaključak.

A.d. 8.1. Članovi UO su podržali inicijativu za ažuriranje ili izmjene Pravilnika o razvrstavanju i minimalnim uslovima ugostiteljskih objekata iz skupine restorani, barovi, catering objekti i objekti jednostavnih usluga kako bi se dodatno izdefinisale i pojednostavile procedure.

Zadužuju se predstavnik Penyplus -a da pripremi Inicijativu u foromi Izmjena i dopuna.

Zapisnik sačinila:
Mersiha Jusić, SEKRETAR

PREDSJEDNIK UPRAVNOG ODBORA
Adnan Smailbegović s.r

Sjednica završena u 10:30 sati.